

Na osnovu člana 21.a Zakona o zaštiti ličnih podataka Bosne i Hercegovine („Službeni list BiH“, broj: 49/06, 76/11 i 89/11), člana 26. Pravila Javne ustanove Bosansko narodno pozorište i 36. stav (1) Zakona o pozorišnoj djelatnosti ZDK, direktor Javne ustanove Bosansko narodno pozorište Zenica donosi sljedeću

ODLUKU
o uspostavi i vršenju video nadzora
u Javnoj ustanovi Bosansko narodno pozorište Zenica

Član 1.
(Predmet odluke)

Ovom Odlukom uspostavlja se video nadzor u JU Bosansko narodno pozorište Zenica (u daljem tekstu: Pozorište Zenica), te utvrđuje svrha i način vršenja istog i korištenja tehničkih pomagala.

Član 2.
(Svrha)

- (1) Svrha uspostavljanja videonadzora jeste unapređenje sigurnosti gledalaca (publike), radnika i drugih posjetilaca Pozorišta Zenica.
- (2) Pored svrhe iz stava (1) ovog člana video nadzor se uspostavlja i koristit će se i u svrhu unapređenja sigurnosti objekta i imovine, sprječavanje protuprovalnih radnji usmjerenih prema imovini, odnosno krađa, provala, uništenja i oštećenja imovine Pozorišta Zenica.

Član 3.
(Prostor)

- (1) Video nadzor iz člana 1. ove Odluke uspostavlja se u prostorijama JU Bosansko narodno pozorište Zenica na adresi Trg BiH broj 3, Zenica.
- (2) Video nadzor iz stava (1) ovog člana obuhvata unutrašnje, vanjske kamere, monitore i uređaj za pohranu video zapisa (snimač).
- (3) Radnici, saradnici i i ostali posjetioci Pozorišta Zenica će biti obaviješteni o vršenju video nadzora.
- (4) Obavještenje iz stava (3) ovog člana će biti postavljeno na ulazu u objekat i u unutrašnjim prostorijama u kojima je uspostavljen video nadzor na način da je vidljivo svima.
- (5) Video nadzor nije dozvoljen u glumačkim garderobama, prostorima za presvlačenje, kancelarijama, internom bifeu i sanitarnim prostorijama *Pozorišta Zenica*.
- (6) Obavještenje je adekvatne veličine na kojem se nalazi slika kamere i jasno vidljiv natpis koji glasi: „OBJEKAT JE POD VIDEO NADZOROM“.
- (7) Obavještenje iz stavova (3) i (4) sadrži podatke o kontaktu/kontroloru sa brojem telefona putem kojeg se mogu dobiti opće informacije o video nadzoru.

Član 4.
(Opseg snimanja videonadzora)

Videonadzor sistema Pozorišta Zenica obuhvata:

- a) vanjske kamere,
- b) unutrašnje kamere, koje pokrivaju foaje, hodnike, izlaze i ulaze u službeni dio prostorija,
- c) monitore i

d) uređaj za pohranu videozapisa (snimač), koji deponuje videozapise 30 dana nakon čega se automatski brišu.

Član 5.

(Način čuvanja i upotreba podataka)

- 1) Uređaji za snimanje i monitori nalaze se u portirnici Pozorišta Zenica.
- 2) Kontrolor videonadzornog sistema je direktor Pozorišta Zenica.
- 3) Monitoring nad videonadzorom imaju i dnevni i noćni portiri Pozorišta Zenica ili druga stručna lica sa ovlaštenjem direktora Pozorišta Zenica.
- 4) Kontrolor će snimke nastale korištenjem aplikacije za video nadzor pohranjene na snimaču koristiti u skladu sa Zakonom o zaštiti ličnih podataka, kao i propisima koji reguliraju zaštitu ličnih podataka.
- 5) Nastale snimke mogu se kopirati ili drugačije elektronski obrađivati isključivo radi dokazivanja krađe, oštećenja imovine, ugrožavanja zdravlja i sigurnosti posjetilaca Pozorišta i radnika.
- 6) Pristup snimcima videonadzora imaju i ovlaštene policijske agencije i ministarstva unutrašnjih poslova u BiH uz predočenje validnog naloga.
- 7) Video nadzor će biti zaštićen od pristupa neovlaštenih lica.

Član 6.

(Vršenje video nadzora)

- 1) Snimak video nadzora obuhvata video zapis koji sadrži sliku, datum i vrijeme.
- 2) Podaci prikupljeni putem video nadzora ne smiju se koristiti izvan zakonske namjene.

Član 7.

(Rok čuvanja)

Video zapis obuhvata kontinuirani period snimanja od zadnjih 30 (trideset) dana uzastopno, nakon čega se isti automatski briše.


Član 8.

(Stupanje na snagu)

Ova Odluka stupa na snagu danom donošenja i objavit će se na oglasnim pločama i web stranici www.bnp.ba.



Javna ustanova
BOSANSKO NARODNO POZORIŠTE ZENICA


Miroljub Mijatović, direktor

Zenica, 18. 02. 2021.

Broj: 180/21